



Javna ustanova «Služba za zapošljavanje Kantona Sarajevo» Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini, br: 02-05-20150-13.1/17 od 02.06.2017.godine, 02-05-32196-4.1/17 od 02.11.2017.godine i 02-05-1224-4.1/18 od 18.01.2018.godine, o b j a v l j u j e:

JAVNI POZIV POSLODAVCIMA

DA SE PRIJAVE ZA UČEŠĆE U PROGRAMU SUFINANSIRANJA ZAPOŠLJAVANJA „PRILIKA ZA SVE“

I

U cilju realizacije Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini, sa načinom i kriterijima za realizaciju, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva poslodavce sa područja Kantona Sarajevo, da prijave potrebu za zapošljavanjem nezaposlenih osoba, prijavljenih na evidenciju nezaposlenih Službe, prije objavljivanja Javnog poziva za ovaj program i dalje sve do potpisivanja ugovora o radu sa poslodavcem kojem su odobrena sredstva po ovom programu.

Cilj ovog Programa je obezbjeđenje potrebne kvalifikacione strukture radne snage i kraće trajanje nezaposlenosti.

II

Planirana sredstva za ove namjene iznose 1.440.000,00 KM, a cilj je zapošljavanje 400 nezaposlenih osoba.

U Programu sufinansiranja zapošljavanja „Prilika za sve“ prednost za učešće imaju nezaposlene osobe: demobilisani borci, djeca demobilisanih boraca, šehidske porodice, RVI, djeca RVI koja imaju 100 % procenat invalidnosti, djeca dobitnika najvećih ratnih priznanja, civilne žrtve rata, osobe koje su na evidenciji nezaposlenih najmanje 24 mjeseca prije objave javnog poziva, bivši štićenici domova za djecu bez roditeljskog staranja, liječeni ovisnici o psihoaktivnim supstancama, Romi, osobe koje ostvaruju pravo na dječiji dodatak i njihova djeca, lica sa invaliditetom i lica koja ostvaruju pravo na novčanu naknadu za vrijeme čekanja na zaposlenje, samohrani roditelji i njihova djeca, korisnici javnih kuhinja, osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou, prijavljenih na evidenciju nezaposlenih Službe, prije objavljivanja Javnog poziva za ovaj program i dalje sve do potpisivanja ugovora o radu sa poslodavcem kojem su odobrena sredstva po ovom programu.

Služba će poslodavcima koji budu obuhvaćeni ovim programom, mjesečno, 6 mjeseci, refundirati sredstva u ukupnom iznosu od 600,00 KM, po novouposlenoj osobi, za dio isplate plaća i uplatu zakonom propisanih poreza i doprinosa.

III

Poslodavci koji žele učestvovati u ovom programu dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenoj fotokopiji.

IV

Poslodavci koji redovno ne izmiruju obaveze uplate javnih prihoda ne mogu učestvovati u ovom programu zapošljavanja, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru, kao ni poslodavci koji nemaju radnika prijavljenih na penzijsko-invalidsko osiguranje.

V

Prednost za učešće u ovom programu imat će poslodavci koji se bave proizvodnom i turističkom djelatnošću, poslodavci koji trenutno nisu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba, poslodavci sa većim brojem trenutno zaposlenih radnika, poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, te poslodavci koji su osnovani u 2017.godini.

VI

Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika.

Izuzetno, odredbe prethodnog stava ovog člana, ne odnosi se na poslodavce iz javnog sektora.

VII

Javni poziv ostaje otvoren 15 dana od dana posljednjeg objavljivanja.
Nepotpuni i neblagovremeni zahtjevi neće se uzeti u razmatranje.

Obrasci za podnošenje Zahtjeva mogu se dobiti u Odjeljenju za podsticajne mjere zapošljavanja, Ulica Đoke Mazalića 3, kancelarija br.15/I, ili preuzeti sa web stranice Službe www.szks.ba.

VIII

Rezultati ovog javnog poziva biće objavljeni na web stranici Službe.

IX

Služba će sa poslodavcima koji budu obuhvaćeni ovim programom, zaključiti ugovore kojima će biti regulisana sva prava i obaveze ugovornih strana, u skladu sa Programom.
Rok za realizaciju ovog programa je 9 mjeseci od dana potpisivanja ugovora sa poslodavcem uključujući i eventualne anekse ugovora.

X

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, Ulica Đoke Mazalića broj 3, sa napomenom: „Za Program sufinansiranja zapošljavanja Prilika za sve“.
Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-100.

Sarajevo, Đoke Mazalića 3,
web-stranica: www.szks.ba; e-mail adresa: juszzks@bih.net.ba
Tel/::++387 (33) 569-100, fax: 204-177; Matični broj: 4200304610003;
Poreski broj: 01079085; Računi NLB Banka d.d., Tuzla broj:
1320102014880173-depozitni račun, 1320102014880270-transakcijski račun



Cert. br. ICS 1004-QMS 361 2016

(Podnosilac zahtjeva)

**JAVNA USTANOVA «SLUŽBA ZA ZAPOŠLJAVANJE
KANTONA SARAJEVO» SARAJEVO
Ul. Đoke Mazalića 3 - Sarajevo**

ZAHTJEV
za sufinansiranje zapošljavanja
po programu «Prilika za sve»

1. PODACI O PODNOSIOCU ZAHTJEVA

- Naziv, sjedište i adresa _____

- tel/fax/e-mail i kontakt osoba _____

- šifra/vrsta djelatnosti _____

- identifikacioni broj _____

- pravni status _____

- vlasništvo _____

- broj, datum i mjesto registracije _____

- poslovna banka i broj žiro računa _____

- broj zaposlenih na dan podnošenja zahtjev _____

2. Broj nezaposlenih osoba koje se planiraju zaposliti po programu _____

3. Visina traženih sredstava po programu _____

MP

Ime i prezime direktora i potpis

(Podnosilac zahtjeva)

PRIJAVA
potreba za zaposlenicima sa evidencije
nezaposlenih po programu «Prilika za sve»

Redni broj	Opis poslova koje će obavljati sufinansirana osoba	Broj osoba	Stepen obrazovanja	Zanimanje	Mjesečna neto plaća
1.					
2.					
3.					
4.					
5.					
6.					
7.					
8.					
9.					
10.					

(mjesto i datum)

M.P

(ime i prezime direktora i potpis)

**Dokumentacija uz zahtjev
za sufinansiranje zapošljavanja po programu
«Prilika za sve»**

Poslodavci koji žele učestvovati u ovom programu dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenoj fotokopiji.